

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 39. stav (5) i člana 52. stav (1) i (3) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva zdravstva, Vlada Zeničko-dobojskog kantona, na 130. sjednici, održanoj 22.05.2026. godine, d o n o s i

O D L U K U

o usvajanju Programa utroška sredstava Ministarstva zdravstva na poziciji „Kapitalni transferi drugim nivoima vlasti - za zdravstvo“ - Izvor 10 Budžeta Zeničko-dobojskog kantona za 2026. godinu

Član 1.

(Predmet)

Usvaja se Program utroška sredstava u razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 615100 – „Kapitalni transferi drugim nivoima vlasti - za zdravstvo“ – Izvor 10 Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), u ukupnom iznosu od 13.350.000,00 KM (slovima: trinaestmilionatristotinepedesethiljada konvertibilnih maraka), koji čini sastavni dio ove odluke.

Član 2.

(Način realizacija sredstava)

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 3.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 4.

(Stavljanje van snage)

Donošenjem ove odluke stavlja se van snage Odluka o usvajanju i Program utroška sredstava Ministarstva zdravstva na poziciji „Kapitalni transferi drugim nivoima vlasti - za zdravstvo“ - Izvor 10 Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 3/26).

Član 5.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-10471/26
Datum, 22.05.2026. godine
Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo zdravstva,
1x Ministarstvo finansija,
1x „Službene novine Zeničko-dobojskog kantona“,
1x a/a.

P R O G R A M
utroška sredstava Ministarstva zdravstva na poziciji „Kapitalni transferi drugim
nivoima vlasti - za zdravstvo“ - Izvor 10
Budžeta Zeničko-dobojskog kantona za 2026. godinu

I. PREDMET PROGRAMA

Ovim programom utroška sredstava utvrđena je namjena utroška sredstava planiranih u Budžetu Zeničko-dobojskog kantona za 2026. godinu u razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 615100 „Kapitalni transferi drugim nivoima vlasti - za zdravstvo“ - Izvor 10.

II. SVRHA PROGRAMA

Svrha ovog Programa je:

- finansiranje uspostave integrisanog zdravstvenog informacionog sistema na nivou Zeničko-dobojskog kantona u skladu sa Strategijom razvoja Zeničko-dobojskog kantona za period 2021.-2027. godine, strateški cilj 2. Unaprijediti kvalitet života i osigurati jednake prilike za sve građane kroz stvaranje održivog i pravednog društvenog okruženja, prioritet 2.3. Pružanje stručnih i dostupnih usluga u zdravstvu i socijalnoj zaštiti, mjera 2.3.2. Unapređenje kvaliteta i načina pružanja usluga, strateški projekti 2.3.2.7. Uspostavljanje integrisanog zdravstvenog informacionog sistema na nivou Kantona,
- finansiranje zakonske obaveze za zdravstvene ustanove kojima je osnivač Zeničko-dobojski kanton u skladu sa članom 13. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13),
- finansiranje investicionih projekata i nabavka neophodne opreme u zdravstvenim ustanovama kojima su osnivači gradovi/općine kao doprinos unapređenju primarne zdravstvene zaštite.

Izdvajanjem sredstava za namjene utvrđene Programom doprinosi se realizaciji programa iz Strategije razvoja Zeničko-dobojskog kantona za period 2021.-2027. godine pod nazivom „Unapređenje kvaliteta i načina pružanja usluga“, te se doprinosi:

- a) podizanju zdravstvene zaštite na viši nivo kroz nabavku neophodne medicinske i nemedicinske opreme,
- b) jačanje promotivno- preventivnih programa,
- c) obnavljanju zastarjele opreme,
- d) poboljšanju uslova rada i boravka u prostorima namjenjenim liječenju pacijenata kroz izgradnju i adaptaciju novih i postojećih građevinskih objekata,
- e) smanjenju odliva sredstava zdravstvenim ustanovama izvan područja Zeničko-dobojskog kantona za pružene zdravstvene usluge.

III. VISINA SREDSTAVA

Sredstava utvrđena ovim programom iznose 13.350.000,00 KM (slovima: trinaest miliona tri stotine pedest hiljada konvertibilnih maraka).

IV. IZVORI SREDSTAVA

Izvori sredstava za finansiranje ovog programa planirani su Budžetom Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26) u koloni Izdaci iz Budžeta (izvor 10), razdjel 21-Ministarstvo zdravstva, budžetska organizacija 01, potrošačka jedinica 0001 – Ministarstvo zdravstva, planirani rashodi na poziciji 615100 – Kapitalni transferi drugim nivoima vlasti-za zdravstvo u iznosu 13.350.000,00 KM.

V. KORISNICI SREDSTAVA

Korisnici ovog Programa su Zavod zdravstvenog osiguranja Zeničko-dobojskog kantona, JU Kantonalna bolnica Zenica i domovi zdravlja sa područja Zeničko-dobojskog kantona.

Cijeneći svoje zakonske obaveze kao osnivača zdravstvenih ustanova, kao i obavezu unapređenja zdravstvene zaštite u ustanovama kojima Vlada Kantona nije osnivač, potrošnja planiranih sredstava za kapitalne transfere za zdravstvo iz Budžeta Zeničko-dobojskog kantona za 2026. godinu odnosi se na:

1. Kapitalni transfer za Zavod zdravstvenog osiguranja Zeničko-dobojskog kantona za uspostavljanje integrisanog zdravstvenog informacionog sistema na području Zeničko-dobojskog kantona u iznosu 8.147.846,80 KM ili 61,1% planiranih sredstava,
2. Kapitalne transfere za JU Kantonalna bolnica Zenica kojoj je Vlada Zeničko-dobojskog kantona osnivač u iznosu 4.225.253,20 KM ili 31,6 % planiranih sredstava i
3. Kapitalne transfere domovima zdravlja kojima su osnivači gradovi/općine u iznosu 976.000,00 KM ili 7,3% planiranih sredstava.

VI. KRITERIJ ZA RASPODJELU SREDSTAVA

Raspodjela planiranih sredstava u Budžetu Zeničko-dobojskog kantona za 2026. godinu utvrđena je na osnovu sljedećih kriterija:

- Informacija o provedbi uspostavljanja integrisanog zdravstvenog infomacionog sistema na nivou Zeničko-dobojskog kantona, broj: 01-33-9659/26 od 23.04.2026. godine, koja je usvojena Odlukom Upravnog odbora Zavoda zdravstvenog osiguranja Zeničko-dobojskog kantona broj: 01-100-63-556/26 od 27.04.2026. godine, te na osnovu ovih akata Izmjena Programa utroška sredstava za uspostavu integrisanog zdravstvenog informacionog sistema na nivou Zeničko-dobojskog kantona broj: 01-33-602-1/26 od 06.05.2026. godine, koji je sačinio Zavod.
- Član 13. stav 2. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13) kojim je propisano da kanton osigurava sredstva za vršenje osnivačkih prava nad zdravstvenim ustanovama čiji je osnivač, a koji obuhvata investicijsko ulaganje i investicijsko i tekuće održavanje zdravstvenih ustanova – prostora, medicinske i nemedicinske opreme i prijevoznih sredstava, informatizaciju zdravstvene djelatnosti, te u skladu sa navedenim zahtjev JU Kantonalna bolnica Zenica broj: 01-11-

3760/26 od 07.05.2026. godine i broj: 01-11-3760-1/26 od 13.05.2026. godine za uvrštavanje u Program utroška sredstava na osnovu prioriteta ove zdravstvene ustanove,

- stvaranje uslova za pristupačnost i ujednačenost korištenja primarne i sekundarne zdravstvene zaštite na području kantona u skladu sa članom 13. stav 1, tačka (5) i potrebe domova zdravlja za adaptacijom, opremanjem i izgradnjom objekata za pružanje zdravstvenih usluga i nabavkom nove medicinske i nemedicinske opreme.

VII. USPOSTAVA INTEGRISANOG ZDRAVSTVENOG INFORMACIONOG SISTEMA NA NIVOU ZENIČKO-DOBOJSKOG KANTONA (planirana sredstva 8.147.846,80 KM)

Razvoj i uvođenje integrisanog zdravstvenog informacionog sistema na području Zeničko-dobojskog kantona je strateški cilj koji će doprinijeti efikasnijem pružanju zdravstvenih usluga pacijentima, unapređenju vođenja medicinske dokumentacije, osiguranju dostupnosti, sigurnosti, razmjeni i praćenju podataka i transparentnosti svih postupaka u zdravstvu.

Vlada Zeničko-dobojskog kantona, u skladu sa Odlukom o mjerilima za osiguranje elemenata standarda za investiciono ulaganje za uspostavljanje integrisanog zdravstvenog informacionog sistema na području Zeničko-dobojskog kantona („Službene novine Zeničko-dobojskog kantona“, broj: 3/26), Odlukom o usvajanju Programa utroška sredstava Ministarstva zdravstva na poziciji „Kapitalni transferi drugim nivoima vlasti – za zdravstvo“ – Izvor 10 Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 3/26) donijela je Odluku o odobravanju sredstava Zavodu zdravstvenog osiguranja Zeničko-dobojskog kantona za uspostavu integrisanog zdravstvenog informacionog sistema na području Zeničko-dobojskog kantona („Službene novine Zeničko-dobojskog kantona“, broj: 3/26).

Ministarstvo zdravstva Zeničko-dobojskog kantona i Zavod zdravstvenog osiguranja Zeničko-dobojskog kantona su dana 05.02.2026. godine potpisali Ugovor o prenosu sredstava broj: 11-11-744-1/26, na osnovu kojeg su dana 03.03.2026. godine transferisana sredstva Zavodu u iznosu 8.147.846,80 KM.

U cilju provođenja prethodno navedenih akata Vlade Kantona, Zavod je izvršio dodatnu analizu postojećeg informacionog sistema u Zeničko-dobojskom kantonu. Na osnovu provedene analize uzimajući u obzir postojeće stanje informatizacije zdravstvenih ustanova na području kantona, kao i status implementiranih informacionih sistema izvršena je nova raspodjela planiranih modula i nadogradnji u okviru informacionog sistema, o čemu je Zavod sačinio Informaciju o provedbi uspostavljanja integrisanog zdravstvenog informacionog sistema na nivou Zeničko-dobojskog kantona broj: 01-33-9659/26 od 23.04.2026. godine, koju je razmatrao Upravni odbor Zavoda.

Uzimajući u obzir postojeće stanje na terenu i status informatizacije svih ustanova izvršena je jasna diferencijacija između:

1. nabavki novih informacionih sistema i
2. nadogradnji postojećih sistema kroz proširenje licenci i funkcionalnosti, čime se osigurava kontinuitet i optimalno korištenje već implementiranih rješenja.

Upravni odbor Zavoda Odlukom broj: 01-100-63-556/26 od 27.04.2026. godine primio je na znanje Informaciju o provedbi uspostavljanja integrisanog zdravstvenog informacionog sistema na nivou Zeničko-dobojskog kantona broj: 01-33-9659/26 od 23.04.2026. godine.

U skladu sa navedenom Informacijom Zavod je aktom broj: 01-33-10795/26 od 07.05.2026. godine Ministarstvu zdravstva dostavio Izmjenu Programa utroška sredstava za uspostavu integrisanog zdravstvenog informacionog sistema na nivou Zeničko-dobojskog kantona broj: 01-33-602-1/26 od 06.05.2026. godine, koji je bio osnov za izmjenu Odluke o mjerilima za osiguranje elemenata standarda za investiciono ulaganje za uspostavljanje integrisanog zdravstvenog informacionog sistema na području Zeničko-dobojskog kantona i donošenje ovog Programa.

Finansiranje uspostave integrisanog zdravstvenog informacionog sistema na nivou Zeničko-dobojskog kantona obuhvata sljedeće nabavke u okviru iznosa ranije odobrenih sredstava:

Red. Br.	Namjena sredstava	Planirana sredstva
1.	Nabavka nadogradnje postojećeg softvera za elektronski zdravstveni karton:	924.300,00 KM
1.1.	Nabavka softverskih licenci za nadogradnju postojećeg softverskog sistema za elektronski zdravstveni karton za potrebe konsultativno-specijalističkih službi domova zdravlja, Opće bolnice u Tešnju i Zavoda za bolesti ovisnosti Zeničko-dobojskog kantona sa softverskim licencama za nadogradnju postojećih sistema integracijskim modulima	772.200,00 KM
1.2.	Nabavka softverskih licenci za potrebe Instituta za zdravlje i sigurnost hrane	152.100,00 KM
2.	Nabavka softverskih licenci za uspostavu elektronskih zdravstvenih knjižica, za određivanje statusa osiguranih lica i vođenje evidencija o bolovanju, sa nabavkom kartica i printera za štampanje kartica sa softverskim licencama za nadogradnju postojećih sistema integracijskim modulima	1.774.188,00 KM
3.	Nabavka softverskih licenci za nadogradnju postojećeg softverskog sistema dijagnostike i preventive sa funkcionalnostima radiološke i patološke dijagnostike, programom skrininga dojke, softverskim sistemom za potrebe Zavoda za medicinu rada i sportsku medicinu Zeničko-dobojskog kantona (preventivni/ sistematski/ ljekarska uvjerenja) i funkcionalnostima portala pacijenta sa softverskim licencama za nadogradnju postojećih sistema integracijskim modulima	3.040.876,80 KM
4.	Nabavka softverskih licenci za nadogradnju postojećeg softverskog sistema elektronskog recepta sa funkcionalnostima upravljanja pomagalicama sa softverskim licencama za nadogradnju postojećih sistema integracijskim modulima	695.682,00 KM
5.	Nabavka softverskih licenci za nadogradnju postojećeg softverskog sistema laboratorijske dijagnostike sa softverskim licencama za nadogradnju postojećih	713.700,00 KM

	sistema integracijskim modulima	
6.	Nabavka softverskih licenci za nadogradnju postojeće arhive nalaza i slikovnih podataka i uspostava centralnog skladišta koji omogućava tvrdi backup kopiju svih važnijih medicinskih podataka IZIS, drugog backup softverskih sistema IZIS i pratećeg hardvera	1.000.000,00 KM
	UKUPNO (1.+2.+3.+4.+5.+6.)	8.148.746,80 KM

VIII. KAPITALNI TRANSFERI ZA JU KANTONALNA BOLNICA ZENICA (planirana sredstva 4.225.253,20 KM)

JU Kantonalna bolnica Zenica aktom broj: 01-11-3760/26 od 07.05.2026. godine i broj: 01-11-3760-1/26 od 13.05.2026. godine Ministarstvu zdravstva dostavila je zahtjev za uvrštavanje u Program utroška sredstava Ministarstva zdravstva sredstva u iznosu 4.225.253,20 KM, od čega se 3.235.094,20 KM odnosi na nabavku medicinske opreme za potrebe JU Kantonalna bolnica Zenica i 990.159,00 KM za izradu Studije izvodljivosti, investicionog i poslovnog plana, idejnog rješenja, idejnog projekta nove univerzitetske bolnice.

1. Nabavka medicinske opreme (planirana sredstva 3.235.094,20 KM)

U okviru planiranih sredstava za nabavku medicinske opreme JU Kantonalna bolnica Zenica planira prioritete nabavke u 2026. godini kao što je automatski sistem za pripremu citostatske terapije, stolice za ordiniranje hemoterapije, RTG digitalni aparat, laparoskopiska oprema, operacioni stolovi, inkubatori za potrebe neonatalne i pedijatrijske zaštite i sl.

Nabavkom neophodne opreme doprinosi se unapređenju liječenja onkoloških pacijenata povećanju kapaciteta za aplikaciju hemoterapije i poboljšanje uslova za onkološke pacijente, modernizaciji rada bolničke apoteke, pružanju kvalitetne neonatalne njege, podizanju kvaliteta hirurških usluga, kvalitetnijoj i preciznijoj dijagnostici kao i smanjenju liste čekanja pacijenata na zdravstvene usluge.

JU Kantonalna bolnica Zenica, u skladu sa planiranim sredstvima za nabavku opreme odgovorna je za zakonito provođenje postupaka javnih nabavki. Na zahtjev JU Kantonalna bolnica Zenica, nakon provedenog postupka javnih nabavki, a na osnovu zaključenog ugovora o nabavci podnosi zahtjev Ministarstvu zdravstva za donošenje pojedinačnih odluka o odobravanju sredstava, kojima se precizira dinamika transferisanja sredstava, način pravdanja namjenskog uroška sredstava i izvještavanje o učincima uloženi sredstava.

2. Izrada Studije izvodljivosti, investicionog i poslovnog plana, idejnog rješenja idejnog projekta nove univerzitetske bolnice (planirana sredstva 990.159,00 KM)

Jedan od strateških ciljeva Vlade Kantona je izgradnja novog objekta kantonalne bolnice, a navedena investicija kao projektna ideja uvrštena je u Program javnih investicija Zeničko-doborskog kantona za period 2025.-2027. godine. Finansiranje izrade Studije izvodljivosti, investicionog i poslovnog plana, idejnog rješenja idejnog projekta nove univerzitetske bolnice

u narednom periodu omogućava da navedena investicija preraste u dugoročni investicioni projekat.

JU Kantonalna bolnica Zenica zaključila je Ugovor za izradu Studije izvodljivosti, investicionog i poslovnog plana, idejnog rješenja, idejnog projekta nove univerzitetske bolnice broj: 30-04-2885/26 od 15.04.2026. godine sa grupom ponuđača „Routing“ d.o.o. Banja Luka i „Etas“ d.o.o. Sarajevo. Ukupna vrijednost Ugovora je 846.290,00 KM bez PDV-a, odnosno 990.159,30 KM sa PDV-om sa rokom izvršenja 300 kalendarskih dana od dana uvođenja u posao odabranog ponuđača.

IX. KAPITALNI TRANSFERI DOMOVIMA ZDRAVLJA (planirana sredstva 976.000,00 KM)

Od ukupno planiranih sredstava koja su namijenjena za kapitalne transfere domovima zdravlja kojima su osnivači gradovi/općine iznos od 300.000,00 KM se odnosi na ranije preuzete obaveze o finansiranju u skladu sa Sporazumom o zajedničkom finansiranju Projekta izgradnje objekta hitne medicinske pomoći u Brezi broj 11-11-8638-1/26 od 20.06.2025. godine i iznos od 676.000,00 KM koji će se odobravati domovima zdravlja putem javnog poziva.

1. Projekat izgradnje objekta hitne medicinske pomoći u Brezi- II faza (planirana sredstva 300.000,00 KM)

Ministarstvo zdravstva, Općina Breza i JU „Dom zdravlja“ Breza dana 20.06.2025. godine zaključili su Sporazum o zajedničkom finansiranju Projekta izgradnje objekta hitne medicinske pomoći u Brezi. U skladu sa tačkom 9. i 10. Sporazuma Ministarstvo zdravstva obavezalo se da će navedeni projekat finansirati u iznosu 100.000,00 KM za 2025. godinu i 300.000,00 KM za 2026. godinu.

Odlukom o odobravanju sredstava broj: 02-11-13392/25 od 10.07.2025. godine („Službene novine Zeničko-dobojskog kantona“, broj:11/25) Vlada Kantona je odobrila sredstva u iznosu 100.000,00 KM za sufinansiranje Projekta izgradnje objekta hitne medicinske pomoći u Brezi - I faza. Sredstva su dana 02.09.2025. godine transferisana JU „Dom zdravlja“ Breza.

Ovim Programom utroška sredstava planirana su sredstva u iznosu 300.000,00 KM za realizaciju druge faze Projekta izgradnje objekta hitne medicinske pomoći u Brezi.

U skladu sa zaključenim Sporazumom i ovim Programom, Ministarstvo zdravstva će predložiti Vladi Kantona donošenje odluke o odobravanju sredstava, kojom će biti precizirana dinamika transferisanja sredstava, način pravdanja namjenskog utroška sredstava i izvještavanje o učincima uloženi sredstava.

2. Kapitalni transferi domovima zdravlja (planirana sredstva 676.000,00 KM)

Imajući u vidu prethodno navedenu obavezu koja proizilazi iz Sporazuma o zajedničkom finansiranju Projekta izgradnje objekta hitne medicinske pomoći u Brezi broj:11-11-8638-1/25 od 20.06.2025. godine, preostali iznos planiranih sredstava za kapitalne transfere domovima zdravlja u iznosu 676.000,00 KM odobravati će se nakon prethodno provedenog javnog poziva koji će objaviti Ministarstvo zdravstva.

Planirana sredstva namijenena su za unapređenje primarne zdravstvene zaštite, a mogu se odobriti za izgradnju, adaptaciju i opremanje objekata primarne zdravstvene zaštite, nabavku neophodne medicinske i nemedicinske opreme.

Korisnici transfera ovog dijela Programa su domovi zdravlja sa područja Zeničko-dobojskog kantona, a sredstva će se odobravati u skladu sa Smjericama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije Bosne i Hercegovine”, broj: 37/24).

Ministarstvo zdravstva objavljuje javni poziv u skladu sa ovim Programom utroška sredstava i obavezno ga je objaviti na službenoj web stranici Zeničko-dobojskog kantona.

Kriteriji za učešće korisnika na javnom pozivu za dodjelu budžetskih sredstava su opći i posebni uslovi.

Opći uslovi su sljedeći:

1. upis u sudski registar,
2. uvjerenje o poreznoj registraciji (jedinstveni identifikacioni broj),
3. potvrda o otvorenom i aktivnom računu kod poslovne banke,
4. uredno izmirene obaveze po osnovu poreza i doprinosa,
5. uredno ispunjene obaveza po osnovu prethodno dodijeljenih budžetskih sredstava, a u slučaju da ranije dodijeljena sredstva u vrijeme objave javnog poziva nisu opravdana dokaz o objektivnim razlozima zbog kojih sredstva nisu utrošena,
6. da se protiv korisnika, odnosno osoba ovlaštenih za zastupanje ne vodi krivični postupak i nije pravosnažno osuđen za prekršaj/ili počinjenje krivičnog djela.

Posebni uslovi su uslovi na osnovu kojih komisija Ministarstva zdravstva ocjenjuje prijavu korisnika na javni poziv i to:

1. usklađenost ciljeva programa s ciljevima i prioritnim oblastima iz strateških dokumenata,
2. kvalitet i relevantnost prijave,
3. dosadašnje iskustvo korisnika u provođenju istog ili sličnog programa/projekta,
4. procenat vlastitog učešća u finansiranju programa/projekta,
5. procenat učešća osnivača (grada/općine) u finansiranju programa/projekta i
6. budžet programa/projekta razrađen (specificiran) sa sljedećim informacijama:
 - a) ukupan iznos finansijskih sredstava potrebnih za provođenje programa /projekta,
 - b) iznos koji se traži od Ministarstva zdravstva,
 - c) iznos koji se očekuje ili koji je već dobijen od donatora ili drugih davaoca budžetskih sredstava,
 - d) iznos vlastitih sredstava koje će korisnik uložiti u provođenje programa/projekta.

Ministar Ministarstva zdravstva imenuje Komisiju za provođenje postupka po javnom pozivu.

Ministarstvo zdravstva je obavezno odluku Vlade Zeničko-dobojskog kantona o dodjeli sredstava za finansiranje programa/projekta putem javnog poziva objaviti na službenoj web stranici Zeničko-dobojskog kantona i u skladu sa odlukom o dodjeli budžetskih sredstava obavezno je da sa korisnikom sredstava zaključi ugovor o dodjeli sredstava, najkasnije u roku od 15 dana od dana donošenja odluke o dodjeli budžetskih sredstava.

X. IZVJEŠTAVANJE KORISNIKA

Korisnici kojima budu odobrena sredstva u skladu sa ovim Programom obavezni su izvještavati Ministarstvo zdravstva o namjenskom utrošku sredstava i ostvarenim učincima uloženi sredstava na način utvrđen pojedinačnim odlukama o odobravanju sredstava ili ugovorom o prenosu sredstava.

XI. IZVJEŠTAVANJE MINISTARSTVA

Ministarstvo zdravstva je obavezno da u skladu sa članom 52. stav (4) i članom 60. stav (2) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25) dostavi Vladi Zeničko-dobojskog kantona polugodišnji i godišnji izvještaj o utrošku sredstava po ovom programu.

Broj: 02-11-10471/26
Datum, 22.05.2026. godine
Zenica

PREMIJER
po ovlaštenju

Dženana Čišija

DOSTAVLJENO:
1x Ministarstvo zdravstva,
1x Ministarstvo finansija,
1x „Službene novine Zeničko-dobojskog kantona“,
1x a/a.